


Godkjent k-sak xx/xx

Kommunal planstrategi 2024 -



Innhold

1.0	Kva er planstrategi?	2
1.1	Rammer og føringar for arbeidet	2
2.0	Nasjonalt forventningsbrev.....	4
2.1	Regional planstrategi.....	7
3.0	Plan og styringssystemet til Vanylven kommune	8
3.1	Utviklingstrekk og viktige utfordringar i Vanylven kommune.	9
3.2	Demografisk utvikling i Vanylven kommune.	10
3.3	Næringsliv og kompetanse.	11
3.4	Areal, miljø og klima.	13
3.5	Levekår, oppvekstvilkår og folkehelse.....	15
	Folkehelse og levekår i kommunen er den samla innsatsen som direkte eller indirekte fremjar helsa og trivselen til befolkninga, førebygger mental- og somatisk sjukdom, skadeleg liding, eller som vernar mot helsetruslar - og arbeider for ei jamnare fordeling av faktorar som direkte eller indirekte påverkar helsa. Folkehelse er eit viktig satsingsområde, og evna kommunen har til langsiktig og målretta arbeid på dette feltet vil	15
3.6	Kommunale tenester i Vanylven kommune og organisasjon.	16
4.0	Planoversikt og planbehov i perioden 2024-2027	17

1.0 Kva er planstrategi?

Planstrategi kan kallast ein «plan for planlegging» der formålet er at den skal gje ei oversikt over utviklingstrekk og utfordringar i kommunen. Dokumentet skal klargjere kva planoppgåver kommunen bør starte opp eller rullere vidare for å få ei ynskja utvikling i kommunen. Etersom planen er ein strategi er den difor ikkje juridisk bindande og behøver ikkje ut på høyring. Likevel er det stadfesta i plan og bygningslova § 10-1 at den kommunale planstrategien skal offentleggjerast minst 30 dagar før kommunestyret behandlar strategien. Medverknad i planstrategien vert tatt vare på gjennom offentleg ettersyn. Kravet i plan- og bygningslova om å innhenta synspunkt frå statlege- og regionale styresmakter og nabokommunar vil bli oppfylt i denne perioden.

Planstrategien omfattar difor ei skissering av utfordringane og vala til kommunen knytt til samfunnsutvikling og arealbruk, og ei vurdering av planbehovet. Dette skal bidra til at planlegginga i Vanylven kommune vert behovsstyrt og ikkje meir omfattande enn nødvendig. Planstrategien er altså ikkje ein plan med mål og strategiar, men eit verktøy for å vedta kva planoppgåver kommunen skal gjennomføra.

1.1 Rammer og føringar for arbeidet

Plan og bygningslova § 10-1 set krav om utarbeiding av kommunale planstrategiar i kvar valperiode. Arbeidet med den kommunale planstrategien er eit omfattande og sær samsatt dokument som har ein del juridiske rammer gjennom folkehelselova, plan- og bygningslova og kommunelova. Figuren under illustrerer koplinga mellom planstrategi, plan- og bygningslova og det kommunale plansystemet.



Figur 1. Illustrerer koplinga mellom planstrategi, plan- og bygningslova og det kommunale plansystemet, KS

Utover lovverket har styresmaktene lagt ein del føringar for arbeidet i kommunal sektor. Kommune 3.0 er ein del av dette arbeidet og målet er å gjere kommuneplanlegginga meir demokratisk gjennom å samarbeide med innbyggjarane, politikarar og næringslivet. Med nye utfordringar innan berekraftig utvikling, klima, levekår og budsjett, må kommunen samarbeide i større grad med innbyggjarane. Dette betyr at tilsette, politikarar, innbyggjarar og næringsliv skal saman fine ut korleis behov og utfordringar skal løysast. Kommunane skal gå frå å vere eit hierarkisk og byråkratisk styringsorgan til å få ei meir desentralisert og marknadsretta styring der brukarrettighetene vert styrka. Tidsbruken i planprosessar skal ned, men kvaliteten og viktige samfunnsinteresser skal sikrast.



Figur 2. Kommune 3.0

Stortinget og regjeringa har vedtatt at FN sine berekraftsmål skal liggje til grunn for kommunen si samfunns- og arealplanlegging. Berekraftsmåla er verdas felles arbeidsplan for å utrydde fattigdom, utjamne ulikheiter og stoppe klimaendringane innan 2030.



Innanfor berekraftsmåla ligg tre grunnelement som har betydning for samfunnsutviklinga: økologi, økonomi og sosial forhold. Kommunar er nøkkelaktørar for å realisera ei berekraftig samfunnsutvikling og realisering av berekraftsmåla i Noreg. Vi er nærast befolkninga, lokale bedrifter og organisasjonar. Samtidig er vi ansvarleg for mykje av den sosiale og fysiske infrastrukturen som påverkar befolkningas levkår og utviklingsmoglegheiter. Difor er det avgjerande å setja klare rammer for berekraftig utvikling i offentleg planlegging. Berekraftsmåla gjev difor viktige føringar for Vanylven kommune sine tenestoområde og kjem til å vera med på å gjere kommunen berekraftig og framtidsretta.

2.0 Nasjonalt forventningsbrev

Kvart fjerde år vert det lagt fram nasjonale forventingar til regional og kommunal planlegging. Regjeringa har FN sine berekraftsmål som mal i nasjonale forventningsbrev, og dette legg grunnlaget for fylkeskommunen og kommunane sin planstrategi. Regjeringa har for perioden 2023-2027 har følgjande utfordringar:

- Nå måla om redusert klimautslepp

- Ansvarleg forbruk
- Ressursbruk
- Bevaring av naturmangfald
- Minde ulikskap

Dette er utfordringar som påverkar Fylkeskommunen og kommune-Noreg. For å avgrensa utfordringane legg regjeringa fram fem fokusområde som vil vera avgjerande for å sikra og fremja ei berekraftig utvikling.



Samordning og samarbeid i planlegginga

Regional og kommunal planlegging er det viktigaste styringsverktøyet fylkeskommunane og kommunane har for ei berekraftig samfunnsutvikling basert på lokalt folkestyre. Regjeringa meiner det er viktig at det i samfunns- og arealplanlegginga blir lagt til rette for trygge, berekraftige og levande lokalsamfunn i heile landet.

Dei overordna planane skal peike ut retning for samfunnsutviklinga, bidra til at ein når berekraftsmåla, og samordne oppgåver og omsyn som er viktige for å få til dette. Oppdaterte planar er nødvendige for å ta tak i aktuelle utfordringar og for å sikre at nasjonale rammer og mål blir følgde opp. Planprosessar som er opne og involverande, gjev legitimitet til vedtekne planar. Det er samtidig viktig at planane er realistiske og legg til rette for effektiv ressursbruk i det offentlege og for private. Dette krev ei tett kopling mellom overordna planlegging og økonomiplanlegging.

Trygge og inkluderande samfunn

Noreg er variert og mangfaldig, og dette mangfaldet er verdifullt. Regjeringa er oppteken av at fylkeskommunane og kommunane i planlegginga legg til rette for trygge og inkluderande lokalsamfunn i heile landet. Eit sosialt berekraftig samfunn føreset at vi lykkast med å utvikle store og små byar, større og mindre tettstader og spreiddbygde strøk, slik at det er godt å bu, leve og arbeide der.

Samfunns- og arealplanlegginga skal sikre fysiske omgjevnader og sosiale arenaer som er varierte, inkluderande og varige, med tilgang til nødvendige tenester for alle delar av folkesetnaden. Gode lokalsamfunn og nabolag i by og bygd gjev grunnlag for stabile bumiljø

og livskvalitet i ulike fasar av livet. Attraktive og godt planlagde omgjevnader, tilgang til natur og varierte tilbod og møteplassar er viktig for identitet, folkehelse, og miljø.

Velferd og berekraftig verdiskaping

Velferd og verdiskaping for framtida må utviklast innanfor ramma av sosial, økonomisk og miljømessig berekraft. Regional og kommunal planlegging er viktige verktøy for å leggje til rette for grøne næringar og overgangen til ein meir sirkulær økonomi, sikre god infrastruktur og bidra til omstilling i offentleg sektor. Heilskapleg planlegging er nødvendig for å sikre ressursgrunnlaget for utvikling av natur- og kulturbaserte næringar som landbruk, reindrift, fiskeri og reiseliv.

Eit berekraftig velferdssamfunn med levande distrikt er avhengig av at det blir skapt verdier i heile landet. Gode rammevilkår for eit mangfaldig, berekraftig og konkurransedyktig næringsliv er sentralt. Fylkeskommunane og kommunane kan gjennom si planlegging og kunnskap om regionale og lokale føresetnader og fortrinn gje eit viktig bidrag til å stimulere berekraftig næringsutvikling i heile breidda av næringslivet, og dermed bidra til å leggje til rette for vekstkraftige regionar og lokalsamfunn.

Klima, natur og miljø for framtida

Parisavtalen om klima og det globale rammeverket for naturmangfald gjev rammer for nasjonal politikk og er sentrale for å kunne nå berekraftsmåla. Langsiktig velferd, verdiskaping og livskvalitet i tråd med berekraftsmåla er avhengig av at ein varetek mange omsyn samtidig: Vi må halde intakte økosystem ved lag, vareta naturmangfaldet, kulturmiljø og friluftslivsområde og avgrense og tilpasse oss klimaendringane, samtidig som vi sikrar vidare utvikling av gode offentlege tenester, infrastruktur og lønsam næringsverksemd.

Regjeringa meiner heilskapleg samfunns- og arealplanlegging må bidra til at ein ser innsatsen for klima og miljø i samanheng og på tvers av sektorane. Viktige tema i regionale og kommunale planar framover vil vere omsyn til naturmangfald, omstilling til eit klimarobust lågutsleppssamfunn, langsiktige arealvurderingar for å minimere arealtapet av natur og heilskapleg forvaltning av vassressursane.

2.1 Regional planstrategi

Møre og Romsdal fylkeskommune sin regionale planstrategi 2020-2024 beskriv dei viktigaste utviklingstrekk, utfordringane og planspørsmåla i fylket. Fylkeskommunen tar utgangspunkt i nasjonale mål og rammer, men legg vekt på regional og lokal tilpassing av dei nasjonale føringane. Det inneber å få fram og samordne ulike behov, interesser og verkemiddel til det beste for heile fylket. Regional planstrategi er utarbeida 2019-2020 og er gjeldande fram til 2024. Møre og Romsdal fylkeskommune byggjer den regionale planstrategien på FN sine berekraftsmål og har fire hovudmål for den kommande perioden.

Samarbeidsfylket Møre og Romsdal

Gjennom å styrke samarbeidet mellom kommunar og fylkeskommunen kan ein møta komande utfordringar som til dømes urbanisering, klimaendringar og aldrane befolkning saman. Med å dra lærdom frå dei ulike aktørane i Møre og Romsdal kan ein byggje opp eit samspel og formidle informasjon på tvers av fylket. Fylkeskommunen ynskjer å etablera fleire arenaer for samarbeid mellom statsetatar, offentlege etatar, kommunar, forskning og innovasjonssektoren.

Miljøfylket Møre og Romsdal

Målsettinga at Møre og Romsdal skal vera miljøfylke nummer éin, er i tråd med Paris-avtalen og vil sikre ei berekraftig samfunnsutvikling. Om fylket skal lukkast med det grøne skiftet må arealplanlegginga både på land og i sjø vera miljøvenleg og effektiv samstundes som den ivaretek og samordnar behova for bustadføremål, næringsareal, transport, jordvern, rekreasjon, naturmangfald og biologisk mangfald.

Inkluderings- og kompetansefylket Møre og Romsdal

Møre og Romsdal skal vera eit attraktivt og mangfaldig fylke der folk vel å bu. Dette inneber ei sunn og aktiv befolkning, inkludert god tannhelse, at innbyggjarane har ei ønska og etterspurd utdanning, det er trygge oppvekstvilkår, og inkluderande og attraktive byar- og tettstader med stadtilpassa transportløysingar. Barnefattigdommen er redusert, alle grupper uavhengig av kjønn, alder, legning, etnisk- og sosial bakgrunn og funksjonsnivå har likt høve til å delta i arbeids- kultur-, og samfunnsliv, det er låg arbeidsløyse, nok og miljøvennleg energi, og dei demokratiske verdiane står høgt.

Verdiskapingsfylket Møre og Romsdal


Møre og Romsdal skal ha eit internasjonalt leiande næringsliv og ein effektiv offentleg sektor. Dette inneber at fylket har sikker energitilgang og innovative konkurransedyktige verksemdar som skapar verdier i heile fylket. Arbeidslivet er attraktivt og seriøst, og dei økonomiske verdiane har ei fordeling som gir god velferd. Fylket har utvikla bu- og arbeidsmarknadsregionane gjennom stadtilpassa, effektive, miljøvennlege og trygge mobilitetsløysingar med grunnlag i teknologi og digitalisering. Samskapande forskings- og innovasjonsaktivitet har medverka til at fylket har nytta ressursane knytt til menneska, til havet og til landskapet i heile fylket. Utviklinga bygger på sirkulærøkonomi og berekraftige forretningsmodellar.

3.0. Plan og styringssystemet til Vanylven kommune

Plansystemet er til for å setje kommunepolitikk i system, og deretter setje den i verk gjennom ulike tiltak i økonomiplan og verksemdsplanar. Vanylven kommune legg opp til ein hierarkisk plansystem der kommuneplanen definerer dei overordna måla for utviklinga, og at desse vert sett i samanheng med målformuleringar i andre planar. Ved å ha eit integrert plansystem der den enkelte planen er forankra i overordna plan og føringar i denne, har ein eit godt utgangspunkt for å driva ei heilskapleg samfunnsutvikling som tar vare på ulike oppgåver og interesser. Kommuneplanen skal vera det overordna styringsdokumentet og skal gje langsiktige føringar for den kommunale verksemda og utviklinga i kommunen. Økonomiplanen skal bidra til at ressursane vert nytta på best mogleg måte, og at tenestetilbodet vert tilpassa utviklinga i behovet til innbyggjarane og inntektsrammene. Prioriteringar i budsjettet skal vera forankra i økonomiplanen.

Vanylven kommune vedtok kommuneplan for samfunn i 2009 og kommuneplan for areal i 2014. Dette er dei overordna styringsinstrumenta til kommunen. I samfunnsdelen fastset kommunestyret dei langsiktige utviklingsmåla for kommunen som dannar grunnlaget for dei andre planane til kommunen. I kommunedelplan for areal legg ein til langsiktig strategiar for areal og korleis kommunen ønsker å disponera areala i kommunen til ulike formål, og med det bidra til å realisera måla i samfunnsdelen. Dei enkelte kommunedelplanane (tematisk eller arealplanar) skal leggja føringar frå kommuneplanen til grunn. Kommunedelplanane blir utarbeidd etter behov, mellom anna der det er behov for ytterlegare konkretiseringar og operasjonalisering av overordna mål frå kommuneplanen.

Figuren under viser kva planar som inngår i det kommunale plan- og styringssystemet, og korleis koplinga mellom dei ulike planane er:



3.1 Utviklingstrekk og viktige utfordringar i Vanylven kommune.

Det er fleire måtar å kartlegga Vanylven kommune sine utfordringar. Ein måte er gjennom statistikk, KOSTRA-rapportar eller andre kjelder. Ved denne kartlegginga har ein nytta kjeldemateriale frå SSB, KOSTRA-rapporteringa og Møre og Romsdal fylkeskommune.

3.2 Demografisk utvikling i Vanylven kommune.

Framskrivinga frå SSB syner at folkesetnaden i Vanylven kommune vil stagnere fram mot


2030. Prognosane visar at det vil truleg vere 2.854 innbyggjarar i Vanylven ved år 2030. Det vil truleg verte små omskiftingar i busettingsmønsteret i Vanylven kommune.

Folkesetnaden vil bu lite konsentrert, noko som kan vera utfordrande for kommunen på sikt.

Med ein nedgang i folkesetnaden vil statlege overføringar til Vanylven kommune reduserast, noko som vil påverke lokalsamfunnet og dei kommunale sektorane. Det er likevel noko usikkert om Vanylven sin folkesetnad endå vil

ha ein like stor del innvandrarak i kommunen framover. Då delar av innvandringa består av arbeidsinnvandring og er avhengig av den marine og maritime industrien - næringar som er i dag er inne i omstrukturering. Vanylven kommune ei gjennomsnittsalder på 47 år.

Framskrivinga visar at gjennomsnittsalderen gradvis vil auke mot 2030 dette er grunna at talet på eldre veks og talet på ungdomar minkar. Dette er ei urovekkande utvikling ettersom den venta eldrebølgja allereie har kome til Vanylven kommune og forsørgarbyrda aukar. Det er også forventa ei nedgang i talet på fødde born i Vanylven kommune. Medan utdanningsnivået i folkesetnaden er i dag svak, vil den truleg auke i planperioden. Dette er både positivt og negativt ettersom det kan skape eit større klasseskilje i folkesetnaden. Samstundes kan det bli vanskeleg å skape nok arbeidsplassar med behov for høg kompetanse.



Figur 5: Befolkningsutvikling i Vanylven kommune fordelt på alder, SSB

Hovudutfordringar

- Ujamn kjønnsbalanse i 2019 i Vanylven med 87,3 kvinner per 100 menn.
- Redusert sysselsetting blant dei maritime verksemdene
- Aukande del eldre menneskjer i kommunen – spesielt frå 2027

- Minkande barnefødsler under planperiode
- Aukande behov for både tenester i heimen og for institusjonsplassar i perioden
- Gjere Vanylven kommune attraktivt for unge yrkesaktive
- Aldrane folkesetnad med færre yngre og potensielt yrkesaktive bak kvar person 67 år+

Døme på kva som vert gjort for å møte utfordringane

- «Ungdata»-undersøkinga 2024
- Folkehelseoversikta 2025
- Oppstart av kommunedelplan for helse og omsorg
- Rullering av kvalitetsplan for barn og unge
- Rullering av strategisk næringsplan
- Rullering av bustadsosial handlingsplan

3.3 Næringsliv og kompetanse.

Vanylven kommune er ein liten næringskommune som består hovudsakeleg av gruvedrift, marine og maritime verksemder. NHO utføre årleg eit Kommune-NM er ut frå dei økonomiske prestasjonane og rammebetingelsane for næringslivet i norske kommunar. Kommune-NM 2019 dekker fem temaområder: Næringsliv, arbeidsmarknad, demografi, kompetanse og kommuneøkonomi. Under NHO sitt 2023 kommune-NM er Vanylven kommune den 327. beste kommunen i landet, og den svakaste næringskommunen i fylket. Vanylven sitt næringsliv har vore sterkt påverka av oljekrisa som førte fleire verksemder i kommunen inn i resesjon. Dette har påverka arbeidsplassdekninga og næringslivet i kommunen. Telemarksforsking sin modell for arbeidsplassvekst peikar på tre faktorar for vekst i næringslivet; næringsattraktivitet, bustads- og besøksattraktivitet.

Vanylven har i dag eit næringsliv som i fleire år har vore råka av utider difor er det naudsynt at næringslivet i kommunen har fleire «bein og stå på», spesielt under låg konjunktur periodar er kommunen og næringslivet svært sårbar. Etersom offshoreindustrien og andre aktørar gjennomgår ei omstrukturering er det vanskeleg å sjå om dette er realistisk innan den maritime næringa. Om befolkningsnedgangen fortsett utan at det skapast nye arbeidsplassar i Vanylven, kan det medføre mindre næringsaktivitet. Tradisjonelle næringar som gardsdrift er også truga av endringar, det er i gang eit generasjonsskifte innanfor næringa. Vanylven er i dag ein av dei største jordbrukskommunane i Møre og Romsdal men auka driftskrav og

interesse for jordbruk legge press på næringa. Difor er det viktig å leggje til rette for nyetablering og vekst. Reiseliv og turisme er områder med store moglegheiter for ringverknad for næringslivet i kommunen. Kommunen arbeider aktivt for å styrkje skaparvilja til innbyggjarane, der målet er at dette skal resultera i nye arbeidsplassar og auka diversiteten av næringsstrukturen i kommunen - som igjen kan vere med på å gjere næringslivet mindre sårbart mot konjunktursvingingar. Kommunen samarbeide med næringslivet, innbyggjarane og nabo kommunane om ei reiselivssatsing for å styrke denne næringsverksemda.

Hovudutfordringar

- Personar med høg utdanning blant sysselsette som bur og arbeider i kommunen er låg
- Mange pendlarar blant dei busette i kommunen
- Få offentlege arbeidsplassar utanom kommunen
- Næringsliv med høg risiko for konjunktursvingingar.
- Auka samarbeid mellom kommune, næringsliv og folkesetnaden.
- Utløyse gründer- og skaparvilje i befolkninga
- Gjere landbruksnæringa attraktiv for unge
- Sysselsette i kommunen bur i andre kommunar

Døme på kva som vert gjort for å møte utfordringane

- Ny organisering av næringslivsarbeidet
- Rullere næringsplan i samarbeid med næringslivet og næringsfond
- Støtte til klynge/nettverk for sosiale entreprenørar gjennom blant anna hoppid
- Etablere og utvikle uformelle arenaer for samarbeid i næringslivet
- Arbeid for å realisere Rovdefjord-sambandet
- Arbeid for å realisere Stad skipstunnel

3.4 Areal, miljø og klima.

Det er eit mål for Noreg at innan 2030 skal klimagassutsleppa i kommunane vera redusert med minst 40% samanlikna med nivået i 1990. Klimagassutsleppet i Vanylven var i 2018 på 220.465 tonn CO₂ ekvivalentar. For kommunen er det sjøfart og jordbruk som påverke


utsleps tala mest. Mellom 2016 til 2018 har utsleppa minka med 16,36%. Under planperioden 2023-2027 vil Vanylven kommune truleg få

eit mindre behov for tilrettelegging av fleire bustadar og industri områder.

Det vil vera viktig å fokusere

på gjenbruk av areal og redusere svinn av jordbruksmark. Truleg vil det koma skjerpa krav til miljø, klima og berekraftig arealbruk for kommunen. Det er forventa at ei auke i mangfaldet av husvære i kommunen, noko som kan påverke noverande arealbruk og bidra til at fleire går frå einebustad til leilegheit. Det er viktig at kommunen aktivt fremje tiltak for gåande og syklande slik at enda fleire let bilen stå når dei har ærend i nær miljøet.

Direktoratet for samfunnstryggleik og beredskap (2016) estimerer at det framtidige havnivået kan stige med 75 cm i området kring Vanylven kommune fram til 2100. Det vert også stadfesta at med klimaendringar vil det koma fleire kraftige stormar. DSB tar for seg stormflo opp til 198 cm over dagens havnivå. Med klimaendringar vil det verte meir vanleg med episodar med kraftig styrtregn og kommunen må leggje til rette for handtering av overvatn i utbygde strøk.



Figur 6: Utslepp av klimagassar i Vanylven kommune, miljødirektoratet.

Hovudutfordringar

- Fram mot 2030 er det behov for store klimagasskutt innan vegtrafikk, sjøfart og landbruk. Dette kan krevja omfattande tiltak.
- Klimatilpassing må takast omsyn til i all kommunal planlegging og gjennomføring av tiltak. Samfunnet må tilpassast eit endra klima.

- Avklare arealbruk og støtte opp under gjenbruk av areal for å sikre ei berekraftig samfunnsutvikling
- Auka konflikter rundt eksisterande kulturmiljø, grønstruktur, kulturhistoriske områder og annan småhusbusetnad
- Vere ein føregangskommune for berekraftig utvikling og berekraftig samfunnsutvikling

Døme på kva som vert gjort for å møte utfordringane


- Konsentrert utbygging rundt kommunesentrum
- Tilrettelegging for utsleppsfrie køyretøy (el/biogass/landstrøm)
- Miljøfyrtårn-sertifisering av kommunen i 2024
- Miljøkrav ved innkjøp
- Energireducerande tiltak i kommunale bygg (Enøk)
- Rullering av kommuneplan for samfunn i 2024 – enkel revisjon
- Rullering av kommuneplan for areal i 2024
- Rullering av klimaplan i 2027
- Ny kommunedelplan for landbruk i 2024
- Ny kommunedelplan for naturmangfald 2024
- Berekraftsindikatorar (KPI)

3.5 Levekår, oppvekstvilkår og folkehelse.

Folkehelse og levekår i kommunen er den samla innsatsen som direkte eller indirekte fremjar helse og trivselen til befolkninga, førebygger mental- og somatisk sjukdom, skadeleg lidning, eller som vernar mot helsetruslar - og arbeider for ei jamnare fordeling av faktorar som direkte eller indirekte påverkar helse. Folkehelse er eit viktig satsingsområde, og evna kommunen har til langsiktig og målretta arbeid på dette feltet vil vera avgjerande for ei positiv samfunnsutvikling.

For Vanylven kommune har den gjennomsnittlege levealderen auka som eit resultat av økonomisk

utvikling og god velferd. Innbyggjarane i Vanylven vert likevel omfatta av ei nasjonal og internasjonal trend der helseproblem i aukande grad har samanheng med usunt kosthald i kombinasjon med mangel på fysisk aktivitet. Dette har mellom anna medført til ei auke i tilfelle av fedme/overvekt, hjarte- og karsjukdommar, diabetes og kreft. Det vert òg notert at ein aukande del av befolkninga har mentale plagar eller mentale symptom. Vanylven har i dag fleire aktive idrettslag, likevel er ikkje dette tilbod som passar alle. Difor vert det alt viktigare å legge til rette for uorganisert aktivitet for alle aldersgruppe. Ved å oppmuntra til fysisk aktivitet kan ein få førebyggjande effektar på til dømes mental helse og livsstilsjukdomar. Sjølv om oppvekstvilkåra i Vanylven er positive jamført med nasjonale tal, må ein arbeide vidare med det helseforebygande arbeidet. Dette gjeld særskilt skjermtid, haldning til rus, overvekt og mobbing blant dei yngre. Det er store sosiale forskjellar når det gjeld folkehelse blant innbyggjarane i Vanylven. Lik nasjonale trendar er det ofte innbyggjarar med låg inntekt og svak utdanningsbakgrunn som er i risikograppa. For god samfunnsutvikling må kommunen forsetje med å støtte barnefamiliar med låg inntekt, arbeida for auka livskvalitet for borna, og minske klasseskilnader i samfunnet. Gjennom stortingsmeldingar som «Leve heile livet», peikar ein på at innbyggjarane sjølve har eit ansvar for eige helse. Kommunen kan leggje til rette gangstiar, møteplassar og andre arenaer som har på verknad på folkehelsa og det psykososiale miljøet. Det vil verte eit større behov i framtida for at innbyggjarane aktiverer seg sjølve og er opne om eigen livsstil og helsesituasjon.



Figur 7: Påvirkningsfaktorar for helse, Dahlgren og Whiteheads, 1991

Hovudutfordringar

- Aukande mengde ungdommar og vaksne som slit med einsemd og mentale helseutfordringar
- Aukande livsstilssjukdomar blant folkesetnaden
- Kollektivtilbodet i kommunen er eit hinder for unge og eldre sin mobilitet
- Arbeide for likestilling, haldningsendring og utjamne lønsskilnader
- Stimulere det psykososiale miljøet ved å skape gode sosiale og gratis møteplassar for alle aldersgrupper.
- Arbeide for å betre universell utforming og leggje til rette for alle samfunnsgrupper
- Møte utfordringa knytt til eit aldrande samfunn

Døme på kva som vert gjort for å møte utfordringane

- «Ungdata»-undersøkinga
- Brukar- og tenesteundersøkingar
- Folkehelseoversikta
- Kommunedelplan for Helse og omsorg
- Plan for barn og unge
- Samarbeid med husbanken og KS

3.6 Kommunale tenester i Vanylven kommune og organisasjon.

Dei kommunale tenestene er organisert i fire kommunalsektorar:

- 1. Sektor for helse- og omsorg**, med ansvarsområde i hovudsak knytt til pleie- og omsorgstenester, barn og unge, flyktingtenesta, familie og helse, bu og habilitering.
- 2. Sektor for teknisk**, med ansvarsområde i hovudsak knytt til areal- og transportplanlegging, kart og oppmåling og kundebehandling knytt til arealplan og byggesak og bygningsmassen til kommunen.
- 3. Sektor for oppvekst**, med ansvarsområde i hovudsak knytt til utvikling og drift av skular, barnehagar, kulturarenaene i kommunen, PPT med fleire.

4. Sektor for stab, med ansvarsområde i hovudsak knytt til kommune organisasjonen som personal og løn, økonomi, servicetorg og IKT. Sentrale stabsfunksjonar organisert hos stabsleiar som viktige område for kommuneplanlegging.

Hovudutfordringar

- Alt yngre tenestemottakarar i helse og omsorgssektoren.
- Talet på innbyggjarar som ynskjer oppfølging for psykiske utfordringar er aukande
- Auke kunnskapen om berekraftig samfunnsutvikling, klimaendring og klimatiltak
- Nye retningslinjer innan miljø og berekraftig utvikling, auke krava til god samfunnsutvikling.
- Ynskje om vekst både av innbyggjarar og arbeidsplassar fører til stor aktivitet innanfor feltet og krev ressursar både til å behandla plan- og byggesaker, men også krav til å kommunisera og formidla komplekse prosessar og enkelt saker
- Auka einsemd blant unge kan på sikt svekka idretts- og kulturtilbodet
- Fritidstilboda i kommunen vert stadig kapitalisert, kan føre til at fleire ikkje deltek i fritidsaktivitetar.
- Auke i talet på born med behov for spesialpedagogisk hjelp eller tilrettelegging.
- Vaksne med høgskule-/universitetsutdanning er lågare enn landsgjennomsnittet.
- Eldrebølge - auka økonomiske belastningar kan gje dårlegare tilbod til barn og unge
- Stadig fleire eldre i kommunen noko som generere nye utfordringar for kommunen
- Auka digitalisering fører til kostnader og aukar sårbarheita for digital infrastruktur
- Klimaendringar aukar faren for alvorlege naturhendingar
- Auke i reiseverksemd har auka sannsynet for pandemi

4.0 Planoversikt og planbehov i perioden 2024-2027

Kommuneplanar	Vedteke	Gjeldande	Oppstart	Rullering	Sektor	k-sak:	Dato:	Lenke:
<i>Kommuneplan-samfunnsdel</i>	2023	2023-2040		2024	Stab	36/23	09.05.23.	Plansaka
<i>Kommuneplan-arealdel</i>	2014	2014-2020	2023		Stab	58/23	22.05.23	Plansaka
Økonomiplan (handlingsdel)	2023			Årleg	Stab	143/23	12.12.23	Plansaka

Kommunedelplanar	Vedteke	Gjeldande	Oppstart	Rullering	Sektor	k-sak:	Dato:	Lenke:
Klimaplan	2019	2018-2030		2027	Teknisk	59/19	07.05.19	Planen
Anlegg for idrett og friluftsliv	2005			2024	KUOP	2/05	10.01.05	Planen
Kulturminneplan	2021	2021-2024		2025	KUOP	4/21	08.02.21	Plansaka
Trafikktrygging	2019	2019-2022		2024	Teknisk	96/19	03.09.19	Plansaka
Landbruksplan	NY		2023		Teknisk	44/23	14.03.23	Plansaka

Helse og omsorg	NY	2024	HEOM	-
Kystsoneplan, interkommunal		2018	Teknisk	-

Temaplanar	Vedteke	Gjeldande	Oppstart	Rullering	Sektor	k-sak:	Dato:	Lenke:
Strategisk næringsplan	2015	2015-2020		2024	Stab			Planen
Barn og unge	2019	2019-2023		2024	KUOP	32/19	19.03.19	Planen
Eigarskapsmelding	2019	2019-2020		2024	Stab	129/19	21.10.19	Plansaka
Temaplan for vatn og avlaup	2023	2023-2033		...	Teknisk	59/23	27.06.23	Plansaka
Folkehelseoversikt	2021	2021-2024		2025	HEOM	92/21	06.09.23	Plansaka
Vald i nære relasjonar, inter	2021	2021-2025		2026	HEOM	17/21	08.02.21	Plansaka
Eldreplan	2019	2018-2026		2027	HEOM	11/19	04.02.19	Planen
Legeplan	2018	2018-2022		2024	HEOM	21/18	03.04.18	Planen
Frivilligpolitikk	2017	2018-2022		2025	Stab	112/17	11.12.17	Planen
Veteranplan	2017	2018-2022		2025	Stab	51/17	08.05.17	Planen
Smittevernplan	2019	2019-2023		2024	HEOM	35/19	30.10.19	Plansaka
Alkoholpolitisk plan	2020	2020-2024		2025	HEOM	15/20	24.02.20	Plansaka
Bustadsosial handlingsplan	2009	2009-2012		2024	HEOM	89/09	20.10.09	Planen
Plan for byggvedlikehald	2022		2023		Teknisk			
Plan for vegvedlikehald	2022		2023		Teknisk			
Overordna Beredskapsplan	2023	2024-2027		---	Stab	94/23	05.09.23	Plansaka
Overordna ROS-analyse	2018	2017-2021	2023		Teknisk	7/18	13.02.18	u.offentl.
Kommunikasjonsstrategi	2023	2024-2027		---	Stab	90/23	05.09.23	Plansaka
Digitaliseringsstrategi	2023	2024-2027		---	Stab	87/23	05.09.23	Plansaka
Innkjøpsstrategi	NY		2023		Stab	63/23	13.06.23	Plansaka
Utviklingsstrategi	2019	2019-2022		2024	Stab	60/19	07.05.19	Planen
Plan for demokrati	2019	2019-2023		2025	Stab	13/19	04.02.19	Planen
Plan for brukarorientering	2018	2018-2022		2026	Stab	22/18	03.04.18	Planen
Plan for styring og leing	2023	2024-2027		---	Stab	97/23	05.09.23	Plansaka
Rekrutteringsstrategi	2023	2023-2026		2027	Stab	6/22	13.12.22	Plansaka
Arbeidsgjevarstrategi	2023	2024-2027		---	Stab	4/23	03.03.23	Plansaka
Overordna kompetanseplan	2016	2016-2017	2023		Stab			Planen

Reguleringsplanar	Vedteke	Sektor
Fiskåholmen	2018	Teknisk
RPL Syvde sentrum	2011	Teknisk
RPL G/S Rovde, Eidså, Sylte		Teknisk
RPL Fiskå sentrum	2011	Teknisk
RPL Åheim sentrum	2023	Teknisk
RPL G/S veg Tunheim	2011	Teknisk
RPL G/S veg Åheim	2023	Teknisk